

評註
韓非子讀本



幾科自修適

上

註評 韓非子讀本

揚權篇

略陳爲政之要也。權亦作權。

漸漸說入
步驟從容

多用四字
句却極流
利動盪之

以上言明
君賢臣相
得益彰是
爲全篇綱

從用一引
出名來所
見極奇特

天有大命，人有大命。夫香、美、脆、味、厚、酒、肥、肉、甘、口、而病、形、曼、理、皓、齒、說、情、而
損、精、故、去、甚、去、泰、身、乃、無、害、權、不、欲、見、素、無、爲、也。事在四方，要在中央。聖人
執、要、四、方、來、效、虛、而、待、之、彼、自、以、之、四、海、既、藏、道、陰、見、陽、左、右、既、立、開、門、而
當、勿、變、勿、易、與、二、俱、行、行、之、不、已、是、謂、履、理、也。夫物者，有所宜，材者，有所施，
各處其宜，故上下無爲，使雞司夜，令狸執鼠，皆用其能，上乃無事。上有所長，
事乃不方。矜而好能，下之所欺，辯惠好生，下因其材，上下易用，國故不治。用
一之道，以名爲首，名正物定，名倚物徙，故聖人執一以靜，使名自命，令事自
定，不見其采，下故素正。因而任之，使自事之；因而予之，彼將自舉之；正與處
之，使皆自定之，上以名舉之，不知其名，復修其形，形名參同，用其所生，二者

智巧必背
道而行詐
故須去之

道德不與
物寧而物
自寧

道以獨爲
容繳明上
文用一之
理畫龍點

聽言察要
盡此數語

韓非子讀本

三

誠信下乃貢情謹修所事待命於天毋失其要乃爲聖人聖人之道去智與巧智巧不去難以爲常民人用之其身多殃主上用之其國危亡因天之道反形之理督參鞠之終則有始虛以靜後未嘗用已凡上之患必同其端信而勿同萬民一從夫道者弘大而無形德者覈理而普至至於羣生斟酌用之萬物皆盛而不與其寧道者下周於事因稽而命與時生死參名異事通一同情故曰道不同於萬物德不同於陰陽衡不同於輕重繩不同於出入和不同於燥溼君不同於羣臣凡此六者道之出也道無雙故曰一是故明君貴獨道之容君臣不同道下以名禱君操其名臣效其形形名參同上下和調也

凡聽之道以其所出反以爲之入故審名以定位明分以辯類聽言之道溶若甚醉脣乎齒乎吾不爲始乎齒乎脣乎愈惛惛乎彼自離之吾因以知之

此段議論
皆本黃老

文境峻秀
藻飾處皆
極古雅

若天若地
六句酷似
老子

此喻臣重
於君難以
爲理

是非輻湊，上不與構，虛靜無爲，道之情也。參伍比物，事之形也。參之以比物，伍之以合虛，根幹不革，則動泄不失矣。動之溶之，無爲而改之，喜之則多事，惡之則生怨。故去喜去惡，虛心以爲道舍，上不與共之，民乃寵之上，不與義之，使獨爲之上。固閉內局，從室視庭，參咫尺已具，皆之其處，以賞者賞，以刑者刑。因其所爲，各以自成，善惡必及，孰敢不信？規矩既設，三隅乃列，主上不神，下將有因。其事不當，下考其常。若天若地，是謂累解。若地若天，孰疏孰親？能象天地，是謂聖人。欲治其內，置而勿親；欲治其外，官置一人，不使自恣，安得移并？大臣之門，唯恐多人。凡治之極，下不能得，周合刑名，民乃守職，去此更求，是謂大惑。猾民愈衆，姦邪滿側，故曰：毋富人而貸焉，毋貴人而逼焉，毋專信一人而失其都國焉。腓大於股，難以趣走；主失其神，虎隨其後。主上不知，虎將爲狗；主不蚤止，狗益無已。虎成其羣，以弑其母；爲主而無臣，奚國之

警喻入妙
讀之無不
驚心動目

施刑云云
露出本來
面目

姦宄之隱
盡揭無遺

大其都臣
將據以叛
國大夫稱
家貴其家
臣將凌已
貴其臣過
將貴勢過
己當時情
形一一反
映而出

局度安閑
氣息醇厚

有主施其法。大虎將怯。主施其刑。大虎自寧。法刑苟信。虎化爲人。復反其真。
欲爲其國。必伐其聚。不伐其聚。彼將聚衆。欲爲其地。必適其賜。不適其賜。亂
人求益。彼求我予。假仇人斧。假之不可。彼將用之以伐我。黃帝有言。一上下
一日百戰。一下匿其私。用試其上。上操度量。以割其下。故度量之立。主之寶
也。黨與之具。臣之寶也。臣之所不弑其君者。黨與不具也。故上失扶寸。下得
尋常。有國之君。不大其都。有道之臣。不貴其家。有道之君。不貴其臣。貴之富
之。備將代之。備危恐殆。急置太子。禍乃無從起。內索出圉。必身自執其度量。
厚者虧之。薄者靡之。虧靡有量。毋使民比周。同欺其上。虧之若月。靡之若熱。
簡令謹誅。必盡其罰。毋弛而弓。一棲兩雄。一棲兩雄。其鬪嘽嘽。豺狼在牢。其
羊不繁。一家二貴。事乃無功。夫妻持政。子無適從。爲人君者。數披其木。毋使
木枝扶疏。木枝扶疏。將塞公閭。私門將實。公庭將虛。主將壅圍。數披其木。無

引喻媿媿
莊諧雜出

賈生治安
之策殆本
諸此

截然而止
有屹巖絕
壁之觀

使木枝外拒。木枝外拒，將逼主處。數披其木，毋使枝大本小。枝大本小，將不勝春風。不勝春風，枝將害心。公子既衆，宗室憂吟，止之之道，數披其木，毋使枝茂。木數披，黨與乃離。掘其根本，木乃不神。填其洵淵，毋使水清。探其懷，奪之威，主上用之，若電若雷。

〔評〕

論君臣關係，闡發詳盡，描寫入微。至通篇四言用韵，全法老子。流利頓挫，聲調鏗鏘，更其餘事。

〔註〕

●「天有大命」晝夜四時之候，「天之大命」●「人有大命」君臣上下之節，「人
之大命」●「香美五句」香肥所以甘口也，「用之失中則病形」皓曼所以說情也，「耽
之過度則損精」賢才所以助理也，「用之失宜則危君」●「玄甚去泰」去甚，不爲己
甚也，「去泰，不矜伐也」●（老子）是以聖人去甚去奢去泰，●「權不欲見兩句」用人
之權，不使人見，虛以應物，不必自爲執要，以觀其效，虛心而用其長，卽權不見
，素無爲之理，一說，素，空也，●「四方」指臣民，●「中央」指君主，●「虛

而待之兩句】以、用也。君但虛心以待之、彼則各自用其能也。①【道陰見陽】道由也、由陰見陽、謂由一己之虛靜、以見四海之動。②【左右既立兩句】左右、謂左輔右弼也。當、受也。君臣既通、輔弼之臣斯立、如此、則同類相從、同聲相應。③【四方賢才畢來矣、君但開門而當之、無所遮擁也。】④【勿變勿易兩句】賢才既來、莫敢變易、但令輔弼兩臣、俱行職事。⑤【行之不已】既行職事、有功而可、此皆得賢臣之助、不須有所除去、無不隨化而成。⑥【狸】貓屬、能捕鼠、與狸不同。⑦【上有所長兩句】所長、謂任用材物、皆得其宜、故事不一方面而成。⑧【矜而好能兩句】居上者矜好其能、則下各飾其能以欺之。⑨【辯惠兩句】居上好生辯惠、則下因其材、以入其諛佞、材謂辯惠也。⑩【上下易用兩句】上代下任、下操上權、則國不治。⑪【用一之道兩句】一謂道可以常行、古今莫二者、其唯正名乎、故曰以名爲首。⑫【使名自命兩句】既使名命事、故事自定也。⑬【不見其采兩句】不見其采、是聖人靜以自居、韜匿光采、臣下以故守素而趨於正也。⑭【因而任之兩句】因其事而任之、彼則自舉其事、一說、事當作定、下文使皆自定之、承

此而言、●【因而予之兩句】因其事以與之、彼則自舉之、●【使皆自定之兩句】凡事皆使彼自定、在上者從而以名舉之、則刑名審矣、●【不知其名兩句】脩、當作循、形、事也、循事以求名、則其名可知也、●【二者誠信兩句】二者謂形名也、參同則用其人、是謂誠信也、貢、謂陳見也、●【謹脩所事兩句】君人者能謹脩其事、天必有符應之命以命之、●【因天之道四句】既去智巧、上因天之道、下則反形之理、二者督考參驗、鞠盡之、其事既終、還從其始也、●【虛以靜後兩句】常常虛靜以後、人未嘗用己而先唱、●【凡上之患兩句】端、謂所陳事之首也、臣之陳事、不擇可否、每皆同之、則是偏聽而致患也、●【信而勿同兩句】其陳事者且當信之、無遂與同、然後擇其善者、以之施教、則萬民齊一而隨從、●【因稽而命兩句】言當因道以考汝報命、而、汝也、生死、當作死生、與下文情韻、死生、猶興廢也、謂其教命、時可廢則廢、時可興則興也、●【參名異事兩句】參攷異事之名、必令通一而又同情、●【道之出也】謂皆自道而生也、●【下以名禱】下當陳其名旨以禱於君、●【凡聽之道三句】凡聽言之道、或有未審、必出言以難之、彼

必反求其理以入於此也、●【審名兩句】審察其名、則事位自定、明識其分、則物類自辨、●【聽言之道兩句】溶當爲容、凡聽言者、欲聞以招明、愚以求智、故其容有似乎醉者、則言者自盡而敷泰也、●【脣乎四句】脣齒可以發言語也、吾不爲始、則彼自爲始、吾愈惛惛、彼愈昭昭、●【彼自離之四句】離、謂分析其所言、彼其分析、吾遂知之、所陳之言、或是或非、如輻之湊、皆發自下情、上不與爲構也、構、結也、●【參伍比物六句】參、三也、伍、五也、謂所陳之事、或三之以比物之情、或五之以合虛之數、常令根幹堅植、不有移革、如此則動之散、皆無所失泄也、●【動之溶之兩句】溶當作搭、言一動一搭、雖有所改、無爲而爲也、●【喜之兩句】謂臣所陳言、君若喜之、彼必自媚、益爲其事、若乃惡之、彼乃生怨而遂止、●【去喜兩句】去喜惡以虛其心、則道來止、故爲道舍、●【上不與共兩句】謂下之爲事、上不與共得、則臣得自專、其事必成、故得受其榮寵也、●【義讀爲議、●【上固閉六句】閉內局、謂閉心以察臣也、由內以觀外、若從室而視庭也、八尺曰咫、尺寸者所以度長短、既閉心以參驗之、咫尺以度量之、二者以具

則大小長短皆之其所、不相犯錯、如此、則可賞則賞、可刑則刑、無乖謬矣、
【因其所爲四句】所爲善惡、既各自成、善必及賞、惡必及刑、刑賞不差、誰敢不
信、
【規矩既設兩句】賞罰規矩、既已說於一事二事、則人知他事皆然、故曰三
隅乃列也、
【主上不神兩句】神者、隱而莫測其所由者也、既不神、故可測、則
可因、故曰下將有因也、
【其事不當兩句】主事不當、則下以常理考之、所以較
其常、
【若天若地兩句】天地高厚不可測者也、君用意如天地、則上因下考之累
可解也、
【若地若天兩句】天無私覆、地無私載、故無疏無親也、
【能象天地
兩句】象天地之高厚而無私也、
【欲治其內兩句】內、謂君之機密也、欲令機事
不失、所置之臣、勿私親之、
【欲治其外四句】外、謂百官之政也、欲令官政不
失、則每官置一人焉、夫兩雄必爭、官有二人、適足以猜競、故一人則專而不恣、
豈有移易并兼之事、
【大臣之門兩句】臣門多人、以威權存在之故也、
【凡治
之極兩句】神隱不測、故下不能得之、治道無踰此者、故曰治之極也、
【周合刑
名四句】刑名不差、則民守職、此治之至要者也、去至要而不用、非惑而何也、

【獵民愈衆兩句】姦邪指臣言、謂狡猾之民則益多、而姦邪之臣盈於左右矣、
【毋富人兩句】君之富臣、更從臣貸、君之貴臣、更令臣逼、此倒置之徒、不識理道者也、
【毋專信兩句】專信一人、則形勢聚焉、故失其都、
【主失其神兩句】失神、謂君可測知、如臣能爲虎、則隨後以伺其隙、
【主上不知兩句】主既不知臣之爲虎、則臣匿威藏用、外若狗然、所以陰謀其事、
【主不蚤止兩句】臣既以虎爲狗、君不知而止之、如此則同事相求、皆爲狗益其朋黨、無有已時也、
【虎成其羣兩句】母、則君也、既朋黨相益即是虎成羣也、虎既成羣、母必見弑、
【爲主而無臣兩句】臣皆爲虎故曰無臣也、臣無則國亡、故曰奚國之有、
【虎化爲人兩句】言諸臣在昔之爲虎者、今皆反其真而爲人矣、
【欲爲其國兩句】聚、謂朋黨交結、伐之者、所以離散其朋黨也、
【欲爲其地兩句】地亦國也、欲爲其國、必令賜與適宜、
【亂人求益三句】亂人求益而與之、則是以斧假仇人也、
【假之不可兩句】以斧與仇、則是假與不可、仇既得斧、我之見伐、不亦宜哉、
【上下句】上位可寶、上利可貪、居下者常有羨欲之心、欲靜則不能、欲取則不得、

二者交戰、一日有百也、㊟【下匿其私四句】下既有歆羨之心、常匿私以試上、故上必當操度量、以割斷其下也、㊟【度量之立兩句】度量可以割斷下、故爲主之寶也、㊟【黨與之具兩句】黨與具可以奪君位、故爲臣寶、㊟【上失扶寸兩句】扶、古度名、鋪四指曰扶、上於度量少有所失、下之得利、已數倍多矣、㊟【貴之富之兩句】臣既貴富、備必將代君也、㊟【備急恐殆三句】太子者、君之副貳、國之重鎮、今欲備其危殆、必速置之、則禍端息矣、㊟【內索出圍兩句】臣人四面謀君、君常在圍、今自內欲求出圍、但身執度量則可矣、㊟【厚者虧之兩句】厚、謂臣黨與衆、勢位高也、位如此、必虧之使薄也、㊟【虧之若月】謂漸移其權勢、不使臣自知也、㊟【靡之若熱】靡與糜通、取糜爛之義、物之糜爛於熱、不見其消、有時而盡、故曰靡之若熱、㊟【必盡其罰】盡刑罰之理也、㊟【毋弛而弓兩句】弓以射、不當棲之雄、喻刑法以罰、不當立之官也、㊟【嚶嚶】讀如顏、爭鬥貌、㊟【豺狼】喻吏之貪殘者、㊟【一家二貴兩句】二貴爭出命、服役者不知誰從、故事無功也、㊟【夫妻持政兩句】夫唱婦隨者、禮之正也、今夫妻爭持其政、故子不知所從

也、〔一〕數披其木兩句」木、喻臣也、披爲落其枝也、數落木枝者、喻數削黜臣之威勢也、〔二〕「木枝扶疏兩句」謂臣威權覆主、充塞公閭、〔三〕「圍」圍也、〔四〕「拒」枝之旁生者、〔五〕「枝大本小四句」春風所以發生萬物者、喻君恩賞所以榮益於下者也、枝本大矣、春風又發其榮以增其重、則披枝而害心、喻臣本實矣、君又加之恩賞、以增其威重、則臣將二而危君矣、〔六〕「公子既衆兩句」宗室、謂太宗適子家也、庶子既衆、勢陵適子、故憂吟也、〔七〕「填其洵淵兩句」淵者水之停積、水清、鑒之者必衆、喻雖族和、附之者必多也、〔八〕「探其懷」謂測其心、知其所欲爲、〔九〕「若電若雷」威不下分、則君命神而可畏、故若雷電也、

孤憤篇

言法術之士、既無黨與、孤獨而已、故其材用終不見明、卡生既以抱玉而長號、韓公由之寢謀而內憤、

智術之士、必遠見而明察、不明察、不能燭私、能法之士、必強毅而勁直、不勁直、不能矯姦、人臣循令而從事、案法而治官、非謂重人也、重人也者、無令而擅爲、虧法以利私、耗國以便家、力能得其君、此所爲重人也、智術之士、明察

開首便雙
提界限極
清

重人二字
是眼目

總束一筆

當塗句亦是眼目

直揭人主重人之罪
又轉到法術之士身上
上文勢如轆轤

聽用且燭重人之陰情能法之士勁直聽用且矯重人之姦行故智術能法之士用則貴重之臣必在繩之外矣是智法之士與當塗之人不可兩存之仇也當塗之人擅事要則外內爲之用矣是以諸侯不因則事不應故敵國爲之訟百官不因則業不進故羣臣爲之用郎中不因則不得近主故左右爲之匿學士不因則養祿薄禮卑故學士爲之談也此四助者邪臣之所以自飾也重人不能忠主而進其仇人主不能越四助而燭察其臣故人主愈弊而大臣愈重凡當塗者之於人主也希不信愛也又且習故若夫卽主心同乎好惡固其所自進也官爵貴重朋黨又衆而一國爲之訟則法術之士欲干上者非有所信愛之親習故之澤也又將以法術之言矯人主阿辟之心是與人主相反也處勢卑賤無黨孤特夫以疏遠與近愛信爭其數不勝也;以新旅與習故爭其數不勝也;以反主意與同好爭其數不勝也;以輕賤

承上歲數

寫法術至
之末路
爲悲慘

地廣人衆
無益也要

與貴重爭其數不勝也；以一口與一國爭其數不勝也；法術之士操五不勝之勢，以歲數而又不得見當塗之人，乘五勝之資，而且暮獨說於前，故法術之士奚道得進？而人主奚時得悟乎？故資必不勝，而勢不兩存。法術之士焉得不危？其可以罪過誣者，以公法而誅之，其不可被以罪過者，以私劍而窮之。是明法術而逆主上者，不僂於吏誅，必死於私劍矣。朋黨比周以弊主，言曲以便私者，必信於重人矣。故其可以功伐借者，以官爵貴之，其可借以美名者，以外權重之。是以弊主上而趨於私門者，不顯於官爵，必重於外權矣。今人主不合參驗而行誅，不待見功而爵祿，故法術之士安能蒙死亡而進其說？姦邪之臣安肯乘利而退其身？故主上愈卑，私門益尊。夫越雖富兵彊，中國之主皆知無益於己也，曰：非吾所得制也。今有國者雖地廣人衆，而人主壅蔽，大臣專權，是國爲越也。智不類越，而不智不類其國，不察其類者

在人君賢

明
妙在有引

文氣天矯
句亦精鍊

晉書卷六
晉書卷六

此是至理
名言今之
執政者何
嘗不如是

也。人主所以謂齊亡者，非地與城亡也。呂氏弗制，而田氏用之。所以謂晉亡者，亦非地與城亡也。姬氏不制，而六卿專之也。今大臣執柄獨斷，而上弗知收，是人主不明也。與死人同病者，不可生也。與亡國同事者，不可存也。今襲迹於齊晉，欲國安存，不可得也。凡法術之難行也，不獨萬乘，千乘亦然。人主之左右，不必智也。人主於人有所智而聽之，因與左右論其言，是與愚人論智也。人主之左右，不必賢也。人主於人有所賢而禮之，因與左右論其行，是與不肖論賢也。智者決策於愚人，賢士程行於不肖，則賢智之士羞而人主之論悖矣。人臣之欲得官者，其修士且以精絜固身，其智士且以治辯進業，其修士不能以貨賂事人，恃其精潔，而更不能以枉法爲治，則修智之士不事左右，不聽請謁矣。人主之左右，行非伯夷也，求索不得，貨賂不至，則精潔之功息，而毀誣之言起矣。治亂之功，制於近習，精潔之行，決於毀譽，則修智

魯之季氏
皆以此也

語至激切
奈當時人

之吏廢，而人主之明塞矣。不以功伐決智行，不以參伍審罪過，而聽左右近習之言，則無能之士在廷，而愚污之吏處官矣。萬乘之患，大臣太重，千乘之患，左右太信，此人主之所公患也。且人臣有大罪，人主有大失，臣主之利與相異者也。何以明之哉？曰：主利在有能而任官，臣利在無能而得事；主利在有勞而爵祿，臣利在無功而富貴；主利在豪傑使能，臣利在朋黨用私。是以國地削而私家富，主上卑而大臣重。故主失勢而臣得國，主更稱蕃臣，而相室剖符，此人臣之所以譎主便私也。故當世之重臣，主變勢而得固寵者，十無二三，是其故何也？人臣之罪大也。臣有大罪者，其行欺主也，其罪當死亡也。智士者，遠見而畏於死亡，必不從重人矣。賢士者，修廉而羞與姦臣欺其主，必不從重臣矣。是當塗者之徒屬，非愚而不知患者，必污而不避姦者也。大臣挾愚污之人，上與之欺主，下與之收利，侵漁朋黨，比周相與，一口惑主。